



VLADA BRČKO DISTRIKTA BIH
ODJELJENJE ZA ZDRAVSTVO I OSTALE USLUGE
- Služba za boračko invalidsku zaštitu -

Na osnovu *Odluke o odobravanju programa utroška sredstava za dodjelu jednokratne novčane pomoći u stambenom zbrinjavanju porodice poginulih boraca, ratnih vojnih invalida i članova porodice ratnog vojnog invalida u Brčko distriktu BiH, broj: 40-000046/21, usvojenih na sjednici Vlade Brčko distrikta BiH održanoj 08.12.2021. godine. Služba boračko invalidske zaštite i civilnih žrtava rata*

OBJAVLJUJE

JAVNI POZIV

ZA PODNOŠENJE ZAHTEVA ZA DODJELU JEDNOKRATNE NOVČANE POMOĆI U STAMBENOM ZBRINJAVANJU ČLANOVA PORODICE POGINULIH BORACA I RATNIH VOJNIH INVALIDA I ČLANA PORODICE RATNOG VOJNOG INVALIDA U BRČKO DISTRIKTU BIH

I

Predmet Javnog poziva je dodjela jednokratne novčane pomoći u stambenom zbrinjavanju članova porodice poginulih boraca, ratnih vojnih invalida i članova porodice ratnog vojnog invalida u Brčko distriktu BiH iz sredstava obezbijeđenih u budžetu Brčko distrikta Bosne i Hercegovine za 2021 godinu.

II

1) Podnosilac zahtjeva za odobravanje jednokratne novčane pomoći za stambeno zbrinjavanje u smislu ovog programa je član porodice poginulog borca, ratnog vojnog invalida i član porodice ratnog vojnog invalida koji ima pravosnažno rješenje o statusu i pravima izdato od nadležnog organa.

2) Raspodjela sredstava izvrši će se u okvirima raspoloživog iznosa do potpunog utroška istih na način da se dodjeljuju sredstva pomoći za:

1. započinjanje nove gradnje stambenog objekta u maksimalnom iznosu do 33.000 KM po korisniku – aplikantu iz reda pripadnika porodica poginulih boraca, ratnih vojnih invalida i članova njihovih porodica Vojske RS, Armije R BiH i HVO-a.
2. sredstva za pomoć za nadogradnju, sanaciju ili završetak gradnje stambenog objekta dodjeljuju se do iznosa potrebnog za postizanje potpunog stambenog zbrinjavanja, a prioritet za dodjelu pomoći imaju podnosioci zahtjeva koji nikada nisu koristili sredstva za stambeno zbrinjavanje.
3. broj odobrenih novih gradnji bit će utvrđen nakon primljenih zahtjeva po javnom pozivu od strane komisije za utvrđivanje ispunjenosti uslova za dodjelu novčane pomoći za stambeno zbrinjavanje korisnika prava, za svaku vojnu komponentu pojedinačno.
4. ratnom vojnom invalidu, u ekonomski isplativim i tehnički izvodivim uslovima mogu se odobriti sredstva za uređenje prilaza stambenom objektu i unutrašnje uređenje i prilagođavanje objekta za neometano korištenje objekta i stanovanje, za lica koja se za kretanje koriste ortopedskim pomagalima.
5. u slučaju da se u potpunosti ne utroše odobrena sredstva za stambeno zbrinjavanje jedne kategorije u okviru jednog naroda, ista se preusmjeravaju na raspodjelu za podnosioca zahtjeva iz druge kategorije u okviru istog naroda.

3) Podnosilac zahtjeva za odobravanje jednokratne novčane pomoći za stambeno zbrinjavanje, u smislu ove odluke, jeste član porodice poginulog borca, ratni vojni invalid i član porodice ratnog vojnog invalida koji ima pravosnažno rješenje o statusu i pravu izdato od nadležnog organa.

4) Služba za boračko-invalidsku zaštitu i civilne žrtve rata pri Odjeljenju za zdravstvo i ostale usluge (u daljem tekstu: nadležna služba) danom stupanja na snagu ove odluke raspisuje javni poziv za podnošenje zahtjeva za ostvarivanje novčane pomoći za stambeno zbrinjavanje.

- (5) Javni poziv traje 6 dana i objavljuje se u sredstvima javnog informisanja kao i na oglasnim tablama:
1. Vlade Brčko distrikta BiH,
 2. Odjeljenja za zdravstvo i ostale usluge – Službe za boračko-invalidsku zaštitu i civilne žrtve rata,
 3. Odjeljenja za raseljena lica, izbjeglice i stambena pitanja i
 4. registrovanih boračkih udruženja na području Brčko distrikta BiH
 5. JU „Radia Brčko distrikt BiH“ d.o.o. Brčko distrikt BiH
- (6) Razmatranje zahtjeva i prijedlog za odabir korisnika prava vrši komisija za odabir korisnika pomoći za stambeno zbrinjavanje (u daljem tekstu: komisija).
- a) Utvrđeno činjenično stanje na terenu za lica koja su podnosila zahtjev po Programu stambenog zbrinjavanja iz 2020.g. komisija nema obavezu ponovno obilaziti osim u slučaju da je stranka prilikom obnove zahtjeva prijavila promjene činjeničnog stanja na objektu nakon obilaska komisije u tekućoj 2021. godini.
- b) Ukoliko se podnositelj zahtjeva po broju pripadajućih bodova nađe na konačnu listu korisnika prava a bodovan je po zapisniku iz Programa za 2020.g. Komisija ima obavezu provjere činjeničnog stanja na terenu odnosno ponovni obilazak i snimanje stanja objekta podnosioca zahtjeva.
- c) Prilikom podnošenja novog zahtjeva stranaka u postupku mora biti upoznata sa činjenicama iz tačke a) i tačke b) ovog stava, te dati izjavu dali je bilo promjena na objektu nakon obilaska komisije u 2021.g.
- (7) Visina pomoći utvrđuje se na osnovu predmjera radova koji izrađuju komisije na osnovu važećeg cjenovnika koji primjenjuje Odjeljenje za raseljena lica, izbjeglice i stambena pitanja i kriterijuma za raspodjelu sredstava utvrđenih ovom Odlukom i tabela za vrednovanje posebnih kriterijuma, koja čini sastavni dio ove odluke (prilog broj 1 i prilog broj 2).
- (8) Komisiju imenuje gradonačelnik Brčko distrikta BiH, posebnom odlukom, a sačinjavaju je
1. po jedan član iz reda sve tri vojne komponente, predstavnici Odjeljenja za zdravstvo i ostale usluge, Službe boračko-invalidske zaštite i civilnih žrtava rata,
 2. tri lica građevinske struke,
 3. po jedan predstavnik boračkih Udruženja i Udruga.
- (9) Komisijom predsjedava član komisije, zaposlenik Službe, iz vojne komponente o čijim zahtjevima se odlučuje na zasjedanju komisije.
- (10) Način rada komisije biće utvrđen Poslovníkom o radu komisije, koji se usvaja na prvoj održanoj sjednici komisije.
- (11) Prilikom odabira korisnika prava, komisija je obavezna da utvrdi da li podnositelj zahtjeva ispunjava uslove u pogledu opštih i posebnih kriterijuma, propisanih tačkom C) ove odluke.
- (12) Ispunjenost uslova u pogledu opštih kriterijuma je eliminatorna i obavezujuća za podnosioca zahtjeva.
1. Opšti kriteriji su:
 - a) da podnositelj zahtjeva ima priznat status i pravo porodice poginulog borca ili ratnog vojnog invalida, što dokazuje rješenjem izdatim od nadležnog organa,
 - b) da ne posjeduje/raspolaze stambenom jedinicom uslovnom za stanovanje na području Bosne i Hercegovine i regiona, što dokazuje potvrđenom i potpisanom izjavom,
 - c) da je vlasnik, suvlasnik, posjednik ili suposjednik zemljišta ili stambene jedinice koja je predmet sanacije, završetka gradnje, nadogradnje što dokazuje P.L ili Z.K. ufoškom, ne starije od 6 mjeseci,
 - d) da nije primio pomoć u cijelosti za sanaciju stambene jedinice, što dokazuje dokumentom iz kog je vidljiva visina ranije odobrenih sredstava, njihova namjena, kao i dokaz o realizaciji istih po nekom od projekata iz prethodnih godina, osim u slučajevima kada uslovi stanovanja ne zadovoljavaju standarde stanovanja u postojećoj stambenoj jedinici, poboljšanje životnih uslova stanovanja, rješavanje stambenog pitanja osoba sa invaliditetom (kada se radi o nepokretnim i osobama sa teškim invaliditetom a članovi su porodičnog domaćinstva), broj članova domaćinstva (nedostatak prostora za članove domaćinstva), dotrajalost stambenog objekta; te stambeni objekti koji su bili pod uticajem više sile (požar, poplava, udar groma, olujno nevrijeme i slično), vodeći pri tome računa da ukupno dodjeljeni iznos sredstava nije veći od 15.000 KM i pod uslovom da problem nije moguće riješiti na drugi način;
 - e) da nije poklonio, prodao ili na drugi način otudio svoju imovinu u Bosni i Hercegovini i regionu nakon 1995. godine, što dokazuje ovjerenom i potpisanom izjavom, osim ukoliko vrijednost prodate stambene jedinice odgovara vrijednosti kupljene/izgrađene stambene jedinice a sve u cilju sticanja boljih objektivno tehničkih uslova za život i stanovanje.

- f) da korisnik prava ima prebivalište na području Brčko distrikta BiH u trajanju najmanje 24 mjeseca.
2. Izabrani korisnik za potpuno stambeno zbrinjavanje je dužan da, u roku od 30 (trideset) dana od dana objavljivanja preliminarnog rang-liste, dostavi rješenje o lokacijskim uslovima za izgrađeni temelj objekta.
 3. Ukoliko se lokacijski uslovi ne dostave u predviđenom roku, sredstva se preusmjeravaju za sanaciju.
 4. Zadužuje se Odjeljenje za prostorno planiranje i imovinskopravne poslove da u predviđenom roku prioritarno rješava zahtjeve iz tačke (2) ovog stava.
 5. Smatra se stambeno zbrinutim i ne ispunjava opšte kriterijume, lice koje stanuje u stanu ili kući roditelja ili imovini bračnog druga, ako je stambena cjelina koju koristi sa članovima porodičnog domaćinstva uslovna i sa viškom neiskorišćenog stambenog prostora.
- (13) Uslovi u pogledu posebnih kriterijuma za odabir korisnika prava komisiji služe kao osnov za određivanje prioriteta između podnosioca zahtjeva u skladu sa procjenom njihovih potreba, uz obavezno prethodno ispunjenje opštih kriterijuma iz stava (12) ovog Programa.
- (14) Uslovi u pogledu posebnih kriterijuma – prioriteta pri ostvarivanju prava između podnosioca zahtjeva su:
1. procenat invaliditeta ili broj poginulih boraca porodičnog domaćinstva;
 2. vrijeme provedeno u OS;
 3. broj članova zajedničkog domaćinstva sa statusom ratnog vojnog invalida ili porodice poginulog borca;
 4. broj članova zajedničkog domaćinstva;
 5. stepen završenosti objekta i uslovnost za stanovanje.
- (15) U graničnim slučajevima kod jednakog broja bodova za više podnosilaca zahtjeva, prioritet kod odabira korisnika prava ima podnositelj zahtjeva čiji objekat nije useļjan i čiji stepen završenosti zahtjeva veća ulaganja u smislu potrebe za njihovo stavljanje u funkciju stanovanja podnosioca zahtjeva, kao i podnositelj zahtjeva u čiji objekat u ranijem periodu nisu ulagana sredstva za ovu namjenu.
- (16) Prilikom odabira prioriteta potrebno je voditi računa o načinu ostvarivanja prava korisnika u skladu sa članom 26 Zakona o dopunskim pravima porodica poginulih boraca i ratnih vojnih invalida: Brčko distrikta BiH (Sl. glasnik Brčko distrikta BiH 26/04).
- (17) Osnov za utvrđivanje visine novčanih sredstava za svaku stambenu jedinicu biće određen predmjerom i predračunom radova, određenim trenutnim prosječnim cijenama građevinskog materijala koji sačinjava komisija.
- (18) Dokumentacija kojom se dokazuju uslovi u pogledu opštih i posebnih kriterijuma, a koju podnositelj uz zahtjev, podnosi jeste:
1. rješenje o statusu i pravu porodice poginulog borca ili ratnog vojnog invalida, izdato od nadležnog organa,
 2. izjava da nije otuđio/poklonio/neprodao stambene jedinice u Bosni i Hercegovini i regionu nakon 1995. godine, odnosno dokaz o cijeni prodane /kupljene, sagrađene imovine,
 3. izjava o neposjedovanju/neraspolaganju uslovne stambene jedinice na području Bosne i Hercegovine i regionu,
 4. dokaz o vlasništvu/suvlasništvu, posjedništvu ili suposjedništvu zemljišta ili stambene jedinice u Brčko distriktu BiH (zr. Izvadak ili posjedovni list, ne stariji od 6 mjeseci),
 5. izjava o zajedničkom domaćinstvu podnosioca zahtjeva,
 6. potvrda o otvorenom i aktivnom računu iz banke podnosioca zahtjeva,
 7. prijava mjesta prebivališta u Brčko distriktu BiH, ne starija od 6 mjeseci,
 8. druga relevantna dokumentacija kojom dokazuje ispunjenost uslova po osnovu opštih i posebnih kriterijuma, u skladu sa tabelom za vrednovanje posebnih kriterijuma i na traženje komisije.
- (19) Izabrani korisnik za potpuno stambeno zbrinjavanje je dužan da, u roku od 30 (trideset) dana od dana objavljivanja preliminarnog rang-liste, dostavi rješenje o lokacijskim uslovima. Ukoliko se lokacijski uslovi ne dostave u predviđenom roku, sredstva se preusmjeravaju za sanaciju.
- (20) Ispunjenost uslova u pogledu opštih i posebnih kriterijuma utvrđuje komisija, na osnovu uredno dostavljene dokumentacije uz zahtjeve, i na osnovu utvrđenog činjeničnog stanja na terenu.
- (21) Pomoć za stambeno zbrinjavanje ostvaruju podnosioci zahtjeva koji uz ispunjenost eliminatornih uslova ostvare najveći broj bodova po tabeli za vrednovanje posebnih kriterijuma.
- (22) Pojedinačni zahtjevi za jednokratnu novčanu pomoć za stambeno zbrinjavanje porodica poginulog borca ili ratnog vojnog invalida i sa potrebnom dokumentacijom podnose se nadležnoj službi.
- (23) Komisija utvrđuje preliminarnu listu potencijalnih korisnika prava u visini namjenskih sredstava

obezbijeđenih budžetom Brčko distrikta BiH za tekuću godinu, te istu objavljuje na oglasnim tablama:

1. Vlade Brčko distrikta BiH;
2. Odjeljenja za zdravstvo i ostale usluge – Službe za boračko-invalidsku zaštitu i civilne žrtve rata;
3. Odjeljenja za raseljena lica, izbjeglice i stambena pitanja i
4. registrovanih boračkih udruženja na području Brčko distrikta BiH

(24) Na preliminarnu listu istaknutu na oglasnim tablama, iz koje se može jasno utvrditi broj pripadajućih bodova po svakom od kriterijuma iz tabele za bodovanje, svaki podnosilac zahtjeva može uložiti pismeni prigovor na način da:

1. Pismeni prigovor ulaže se, putem nadležne službe, komisiji koja je dužna da utvrdi opravdanost navoda iz prigovora.
2. Prigovor se podnosi u roku od pet (5) dana od dana objavljivanja preliminarnih lista na oglasnim tablama.
3. Po završetku postupka po prigovoru pred komisijom, a koji ne može biti duži od 3 dana od dana dostavljanja urednog prigovora, komisija utvrđuje konačne liste korisnika prava.
4. Konačne liste korisnika prava iz tačke 3. ovoga stava komisija dostavlja šefu Odjeljenja za zdravstvo i ostale usluge, na odobrenje.
5. Šef Odjeljenja za zdravstvo i ostale usluge donijede rješenja po svim podnesenim zahtjevima.
6. Žalba na rješenje iz tačke 5. ovog stava podnosi se Apelacionoj komisiji Kancelarije gradonačelnika Brčko distrikta BiH, putem nadležne službe.

III

Ispunjenost uslova u pogledu opštih i posebnih kriterija utvrđuje Komisija na osnovu uredno dostavljene dokumentacije uz zahtjeve, i na osnovu utvrđenog činjeničnog stanja na terenu.

Pomoć za stambeno zbrinjavanje ostvaruju podnosioci zahtjeva koji uz ispunjenost eliminatorskih uslova ostvare najveći broj bodova po Tablici za vrednovanje posebnih kriterija.

IV

Zahtjevi za dodjelu sredstava sa traženom dokumentacijom podnose se Službi boračko-invalidske zaštite i civilnih žrtava rata pri Odjeljenju za zdravstvo i ostale usluge.

Obrazac prijave kao i sva druga obavještenja mogu se dobiti u Službi boračko-invalidske zaštite i civilnih žrtava rata.

Preliminarna lista korisnika za dodjelu sredstava bit će utvrđena u skladu sa opštim i posebnim kriterijima vrednovanim u skladu s Tablicom za vrednovanje posebnih kriterija.

Javni poziv traje 8 (osam) dana, otvoren je do 16.12.2021. godine.

Nekompletni i zahtjevi zaprimljeni nakon 16.12.2021. godine, neće biti predmet razmatranja.

Napomena: Svi podnosioci zahtjeva su dužni da prilikom podnošenja zahtjeva vode računa i pridržavaju se svih propisanih mjera vezanih za sprečavanje širenja zaraze izazvane virusom COVID 19.

Dostavljeno:

1. Oglasna ploča:

- Vlade Brčko distrikta BiH;
- Odjeljenja za zdravstvo i ostale usluge - Služba boračko invalidske zaštite;
- Odjeljenja za raseljena lica, izbjeglice i stambena pitanja;
- Registrovanih Udruženja boraca na području Brčko distrikta BiH;

2. JP „Radio Brčko distrikt BiH“ d.o.o. Brčko distrikt
BiH

3. Evidencija

4. Arhiva

Broj predmeta: 40-000046/21
Broj akta: 05-0306SB-0014/21
Datum: 08.12.2021. godine
Mjesto: Brčko

